

09. november 2020

UKA2020/110

Jens Danielsen

Tasiilap eqqaani piniarnermut nakkutilliisoqartitsisoqalernissaa suliareqqullugu Naalackersuisut peqquneqarnissaanik Inatsisartut aalajangiiffigisassaattut siunnersuut.

(Siumup Inatsisartunut ilaasortaataitai)

Siullermik Siumumiik Inatsisartuni ilaasortaasimsoq Laura Taunâjik Uitsatikitseq, Siumut uuminnga siunnersuummik suliaqaqqaartuusimasoq, siunnersuutaanut soqutiginarput qujaffigaarput imatullu Siumumiik naatsumik oqaaseqarfigissavarput.

Piniarnermut nakkutilliisut pillugit immikkullu Tasiilamut tunngatillugu ukiuni kingullerni arlaleriarluni § 37 aqutigalugu apequtigineqartarpoq.

Apeqquteqaataasimasullu ilaat §37 nr 2019/256-i malillugit Tasiilami immikkut piniarnermut nakkutilliisoqalernissaanut atortut, soorlu angallat 750.000,- kr. kiisalu ingerlatsinerput aningaasartuutit 150.000,- kr missaat naatsorsuutigineqarput. Tamatumallu saniatigut sulisumut allaffissornermullu aningaasartuutit ilanngukkanni aningaasartuutit 2 mio. kr. missaaniinnissaat naatsorsuutigineqarluni.

Siunnersuummut atatillugu Naalackersuisut akissuteqaataanni maluginiarparput allasimasoq ullumikkut piniarnermut nakkutilliisut arfiniliusut. §37 nr. 168-2018-imi akissuteqaammi nakkutilliisut qulingiluaasimasut kiisalu siorna §37-imi nr. 2019/256-imi aamma 2019-255-imi nakkutilliisut arfineq marluusut. Tassa piniarnermut nakkutilliisut ukiut tamaasa ikiliartorusaalersimasut.

Siumumi anguniagaraarput piniarnermik nakkutilliisoqarneq annertusarneqassasoq. Taamaasiornikkut nunatsinni nunap immikkoortuini tamakkiinerusumik ingerlanneqartussanngorlugu.

Taamaattumik Siumumiik isumaqarpugut nunarput isorartoqimmat aammalu Nuummiik Tasiilap ungasimmut Tasiilami immikkut piniarnermut nakkutilliisoqalersinnaanissaa tapersortariaqartoq.

Nakkutilliisoqarnermi (GFLK-mi) aqutsineq aningaasanillu eqqornerusumik atuineritigut Tasiilami piniarnermik nakkutilliisoqalernissaa anguneqarsinnaasoq Siumut isumaqarpoq.

Periarfissarlu manna iluatsillugu aamma Siumumiik piumasarissavarput Naalackersuisut nassuiaateqassasut, soq kommune Qeqqertalimmi aammalu nunatta kujataani piniarnermut aalisarnermullu nakkutilliisoqannginnera pillugu. Siumumiimmi isumaqaratta nunatta immikkoortui aammalumi avinngasusimaqisumik najugaqarnerput eqqarsaatigalugu nakkutilliisoqarnikkut piaarnerpaamik nukittorsaaqqittariaqartugut.

Taamatut oqaaseqarluta Siumumiik siunnersuut taperserlutigu Inatsisartuni aalisarnermut piniarnermut nunalerinermullu atatsimiisitaliamut suliassanngorlugu ingerlateqqinneqarnissaa innersuussuutigaarput.

Jens Danielsen - Siumut